

## AFFILIATIO PHILOSOPHICA

### CONGREGATIO DE INSTITUTIONE CATHOLICA (DE STUDIORUM INSTITUTIS)

#### NOTIO AFFILIATIONIS PHILOSOPHICAE

##### I. ORDINATIO CANONICA AFFILIATIONIS PHILOSOPHICAE

###### 1. *Documenta eandem respicientia*

Affiliatio philosophica *tribus* documentis regitur, quae sunt:

- a) « *Notio* affiliationis philosophicae »;
- b) « *Conventio* » a duabus partibus ineunda;
- c) « *Normae servandae* ad affiliationem exsequendam ».

Tribus hisce documentis illustrantur ac definiuntur — ad affiliationem *philosophicam* quod attinet — quae in art. 62 Constitutionis Apostolicae « Sapientia christiana » et in art. 47 atque 62 bis §1 « Ordinationum » eidem adnexarum de affiliatione edicta sunt, ratione simul habita *probatae praxis* hucusque in Philosophicis Facultatibus de re inductae.

##### II. NOTIO ET PECULIARITATES AFFILIATIONIS PHILOSOPHICAE <sup>1</sup>

###### 2. *Notio affiliationis philosophicae*

a) Affiliatio philosophica dici potest institutum iuridicum, quo *vinculum* inducitur inter aliquam Facultatem Philosophiae et quoddam Triennium Philosophicum, ordinatum ad philosophiam modo institutionaliter tradendam,<sup>2</sup> eo fine ut studiorum *qualitas* diligenter excolatur et studentes *academicum gradum primi cycli* Facultatis, seu *Baccalaureatum Philosophiae*, ab eadem assequi possint (art. 62 « Sap. chr. »).

b) Cum Facultatis affiliantis munus sit Triennio affiliato diligenter *adsistendi* — ad studia philosophica quod spectat — affiliatio communiter instituenda est intra eandem nationem vel regionem culturalem (cf. art. 47 « Ordinationum »).

---

<sup>1</sup> Affiliatio omnino distinguenda est ab *Aggregatione* et ab *Incorporatione* quae utique maioris sunt momenti (cf. art. 48, § 1 et § 2, et art. 62 bis §2 « Ordinationum »).

<sup>2</sup> Affiliatione minime afficitur regimen spirituale, disciplinare, oeconomicum etc. Instituti, in quo Triennium affiliatum vigeat.

### 3. *Notio Triennii Philosophici*

Obiectum proprium affiliationis philosophicae est triennium studiorum philosophicorum, ita ordinatum ut studens perveniat « ad solidam cohaerentemque synthesim doctrinae » (cf. art. 59 §2 « Ordinationum »). Ad hunc finem obtinendum, *disciplinae philosophicae* curriculum studiorum *biennalis a can. 250 CIC praescripti* et a competenti Auctoritate Ecclesiastica approbati, quod pars est studiorum apud Seminaria<sup>3</sup>, saltem tertio anno philosophico perficiendae sunt.

### 4. *Natura studiorum in Triennio affiliato*

a) Studia Triennii affiliati sunt equidem superiora, sed per affiliationem *ad condicionem academicam non evehuntur*. Non ideo ordinari possunt iuxta normas Constitutionis Apostolicae « Sapientia christiana » adnexarumque « Ordinationum » (relate scilicet ad *primum* Facultatis cyclum).<sup>4</sup>

b) Nihilominus, cum haec studia triennalia gradu Baccalaureatus coronentur, *quaedam condiciones academicae* explendae sunt, ad illum assequendum necessariae (cf. art. 7 « Normarum servandarum »).

c) Curriculum studiorum Triennii Philosophici affiliati, quatenus ad disciplinas ordinationum necnon ad earum horas quod attinet, iis quae de primo cyclo ecclesiasticae Facultatis Philosophiae statuta sunt adaequare debet (cf. « Ordinationum » art. 60 1°; 62 bis §1).

## III. A QUIBUSNAM AFFILIATIO ET GRADUS ACADEMICUS CONFERANTUR

### 5. *Concessio affiliationis*

a) Affiliatio conceditur peculiari *Decreto* Congregationis de Institutione Catholica (art. 62, § 1 « Sap. chr. »), quae etiam formulas edicit tum specialis « *Conventionis* », a duabus partibus contrahentibus ineundae, tum quarundam « *Normarum servandarum* », ad affiliationem exsequendam.

b) *Postulatio* vero praesentatur Congregationi a *Praeside* vel *Decano* Facultatis affiliantis (vel a *Rectore* Universitatis, si Facultas in aliqua Universitate vigeat), *postquam* Consilium Academicum Facultatis, ope Delegati vel specialis Commissionis pro Affiliatione (cf. n. 7), statum scholarem Triennii Philosophici diligenter exploraverit atque probaverit.

### 6. *Collatio et denominatio gradus*

a) Gradus Baccalaureatus Philosophiae confertur a *Facultate* affiliante, cuius ideo denominatio seu inscriptio (immo et Universitatis, si Facultas pars sit alicuius Universitatis) in gradus diplomate referenda est.

---

<sup>3</sup> Programma philosophicum biennii, ad studia theologiae intuens, conformari debet « Rationi Institutionis Sacerdotalis » a competenti Auctoritate Ecclesiastica approbatae, aliisque Sanctae Sedis praescriptionibus.

<sup>4</sup> E contra, in Aggregatione et in Incorporatione Constitutio Apostolica « Sap. chr. » plene applicatur.

b) Gradus in Philosophia collatus *idem est* ac qui in Facultate affiliante confertur *in fine primi cycli*. Denominatio canonica « Baccalaureatus » *alio vocabulo*, in praxi universitaria civili loci usitato, substitui potest, dummodo:

— reapse Baccalaureatui canonico *aequivaleat*, in primis ad amplitudinem studiorum quod attinet, et

— nullam *aequivocationem* gignat cum fortasse homonymo gradu civili loci, nec cum denominatione gradus *canonici secundi cycli*, seu Licentiae.

c) Denominatio *localis* Baccalaureatus — quae *eadem* esse debet pro omnibus Facultatibus Philosophicis eiusdem nationis vel regionis culturalis (cf. art. 48 « Sap. chr. ») — *approbatione* indiget Congregationis de Institutione Catholica.

#### IV. ITER AD AFFILIATIONEM OBTINENDAM AUT RENOVANDAM

##### 7. Triennii affiliandi praevia perpensio et approbatio

1° Facultas Philosophica affilians, per suum Delegatum vel Commissionem pro Affiliatione, in primis accurate *exploret statum studiorum* Triennii Philosophici affiliandi an praescriptis condicionibus satisfaciat.

2° Si exitus feliciter evaserit, *Facultas* (vel Universitas, si Facultas in aliqua Universitate vigeat) ad Congregationem de Institutione Catholica *mittat*:

a) *relationem* (una cum iudicio Consilii Facultatis) de explorato et probato statu *studiorum* Triennii Philosophici; simul adiectis:

— integro studiorum philosophicorum *programme*, in *singulos* Triennii *annos* distinctorum, additis *horis* pro unaquaque disciplina in universum requisitis;

— « *curriculis vitae*, studiorum et operum » *omnium* Docentium Triennii;

— numero *studentium*, in singulos tres annos distinctorum;

— nomine in loco *usitato*, quo Baccalaureatus canonicus fortasse reddendus sit;

b) *tria exemplaria* memoratarum « *Conventionis* » et « *Normarum Servandarum* », ab Auctoritatibus tum Facultatis affiliantis (Praeside, vel Rectore Universitatis simul cum Decano Facultatis) tum Triennii affiliati (Ordinario Dioecetano vel Religioso) debite *subsignata* earumque *sigillis* munita.

##### 8. Actio Congregationis de Institutione Catholica

a) De more affiliatio *conceditur* ad quinquennium et ad experimentum; quo feliciter transacto, ad alterum quinquennium *renovatur*. Si deinde omnia probe evenerint, affiliatio ad decennium conceditur, successive iterandum.

b) Generatim ad affiliationem *renovandam*, documenta « *Conventionis* » et « *Normarum servandarum* » iteranda non sunt. Sufficiet congrua petitio Facultatis affiliantis (vel Universitatis), ampla *relatione* addita de exitu affiliationis interim obtento. Congregatio

duplex exemplar *novi Decreti* renovationis ad Facultatem (vel Universitatem) mittet.

(Romae, die ... mensis ..., a. D. 2013)